



## Kommune Qeqertalik

INOQARFIK

Postboks 113 - 3951 Qasigiannuit

Tlf.: (+299) 70 19 00 - Fax:(+299) 91 13 77 – Web: [www.qeqertalik.gl](http://www.qeqertalik.gl)

Qasigiannuit illoqarfianni eqqaavilerinermut,  
eqqagassat annertuut katersorneqartarnerinut  
kiisalu eqqaavissuup torersarneqartarneranut  
tunngassuteqartut pillugu

NEQEROORUSIORTITSINERMIK  
ALLAASERISAQ (US)

05. okt. 2018



## Imarisai

1	Suliassaq.....	3
2	Eqqaavissuup toersarneqartarnera .....	4
3	Isumaqatigiissutaasup tunngavia.....	5
4	Piffissaliussaq & Isumaqatigiissutip sivilissusaa.....	6
5	Isumannaatsuunissaq anguniarlugu piumasaqaatit sillimmasiinerlu .....	7



## **Aallaqqaasiut.**

Qasigianguani eqqaavigilerinermut tunngassuteqartut pillugit matumuuna suliariumannit-tussarsiuussinikkut neqerooruteqartitsisoqassaaq.

Suliariumannit-tussarsiuussinermut tunngatillugu paasissutissat kommuniq nittartagaa atorlugu aaneqarsinnaapput. Sullissisuulersussamat paasissutissat kiisalu isumaqatigiissutaasussami suut piumasqaataanersut matumani allakkiami (US-imi) aammalu ilanngullugu nassiussami (SA-mi) allaaserineqarput.

Eqqaavilerinissamat neqeroorut neqeroorfissiatut immersugassami (ilanngussaq 2-imi) immersorneqassaaq, Kommune Qeqertalik Inoqarfimmut, Qasigianguaniittumut, Nîsînguaq L. Geisler-imit nassiunneqassalluni, imalu nalunaaqutserneqarsimassalluni:

### **”Allakkanik immikkoortiterisartunit ammarneqassanngilaq - Neqeroorut: Qasigianguani eqqaavilerineq”**

Eqqaavilerinikkut sullissinissap sivilissusissaa piffissami **01. januar 2019-imiit 31. december 2021-ip tungaanut atuutissaaq.**

Neqeroorut Kommune Qeqertaliup Inoqarfianut Qasigianguaniittumut atorfilinnut tunniunneqareersimassaaq kingusinnerpaamik **tallimannorneq 19. oktobari 2018, nal 13.00.** Tamatuma kingornatigut neqeroorutit ammarterneqassapput neqerooruteqarsimasut najuuttut peqatigalugit.

Kommune Qeqertaliup neqeroortoq sorleq tigussanerlugu nammineerluni aalajangertussaavaa imaluunniit neqeroorutit tamaasa itigartitsissutigisinnaallugit.



# 1 Suliassaq.

## Illoqarfinni eqqagassat

- 1.1 Eqqagassanik katersuisarnermi pineqarput eqqaaviit puussiartaasa katersorneqartarneri, kiisalu pappilissat karsit eqqagassallu allat najugaqarfiit eqqaanniittut aaneqartussatut nalunaarutigineqarsimasut taamatuttaarlu pisortat eqqaavittut atorneqartussatut ikkussuussimasaanni eqqaaviit puussiartaasa katersorneqarneri, tamannalu ingerlanneqartassaaq eqqaaviit imaarneqartarnissaannut allattorsimaffik maannakkumut atuuttoq tunngavigalugu.
- 1.2 Aqquserngit tamanit angallavigineqarsinnaasut sinaanni pisuinnaallu aqqutaani eqqaaviit inissitsitikkat kiisalu qimmeqarfiit eqqaanni eqqaviit sapaatip akunneranut pingasoriarlugit imaartarlugit. Puttasoqarfinni puttasut imaaniitinneqarnerisa nalaanni eqqaviit ullut tamaasa imaartarlugit, arfininngorneq, sapaat sapaassuillu kisiisa pinnagit.
- 1.3 Sullissinermi isumagineqassapput, eqqaaviup puussaasa inimik inissisimaffeqartinnissaat, tunniunneqartarnissaat kiisalu eqqavinni puussiat taarserneqartarnissaat.
- 1.4 Eqqaaviit puussiartaasa katersukkat eqqaavissualiaanneqartarnissaat, eqqagassat iginneqarnissaannut innersuussiviusumut igittarlugit. Eqqaaviit imaagassat eqqagassallu tamakkerlugit isumagineqareeraangasa ulloq suliffiusoq naasassaaq. Eqqakkanik eqqaaneq ingerlanneqartassaaq eqqaaveqarnermut malittarisassaaq atuuttoq naapertorlugu.
- 1.5 Eqqaviit puussiartaannik igitassanik katersisarneq ullut tamaasa nal. 07.00-imiit 18.00-imut ingerlanneqartassaaq.
- 1.6 Illuutit imaartinneqartartussatut nalunaarutigineqarsimasut naliginnaasumik sapaatip akunneranut 1 – 5-riarlugit imaarneqartassapput, tassani pineqarlutik illut nammineq pigisat, ikinnerpaamillu sapaatip akunneranut ataasiarlugit imaartarlugit, taavalu pisortat suliffiutai sapaatip akunneranut 2 – 5-riarlugit imaartarlugit, ikinnerpaamillu sapaatip akunneranut marloriartarlugit. Sapaassuit ulluni naliginnaasuni tullerriaaginnarlutik pisimappata, sullissisup eqqagassanik katersinissaaq eqqaajartornissarlu isumagisassavaa.
- 1.7 Eqqaaviit imaagassat imaartiterneqarnissaannut allattorsimaffimmik Kommune Qeqertalik 1. januar 2019-imi tunniussisaaq. Allattorsimaffik pineqartoq eqqaavilerinermik sullissisup Kommune Qeqertalik isumaqatigiissuteqarnermikkut nutartertassavaat.
- 1.8 Eqqaavilerinermut tunngatillugu suliassat suliarineqartassapput, eqqaavilerinermut malittarisassat atuuttut naapertorlugu



## **2 Eqqaavissuup torersarneqartarnera**

### **Suliassartaasa suuneri**

- 2.1 Eqqaavissuup qaava eqqagaajarlugu aputaaarlugulu torersarneqartassaaq. Aputaajaaneq ullaakkut eqqaavissuup ammanninnerani pisassaaq (08:00). Eqqakkat immikkoortitersimani eqqakkanut allanut akulerussuunnagit ajattarneqartassapput, minnerpaamik sapaatip akunneranut ataasiaq. Eqqaavissuup naqqa ujaqqanik qaartitikkani imaluunniit qalliutaasinnaasunik allanik qalliutigissallugit naleqquttunik qallersorlugit taavalu sioqqanik qalleqqillugit, manissunngortitsinnaasunik.
- 2.2 Eqqaavissuup qaava manissarneqarsimassaaq biilinit nalinnaasumik angallavigneqarsinnaasunngorlugi, eqqaavissuullu eqqakkanut kueraaviusartut nalai manissunngorlugi suliarineqarsimanissaa anguniarneqartassalluni.

### **Suliassap isumagineqarnera**

- 2.3 Eqqaavissuarmut biilini isertariaq, Inoqarfik siumoortumik assiinissamik ilisimatinneqarsimanngippat asserneqartassanngilaq.
- 2.4 Suliassaq isumagineqartassaaq eqqaavilerinermut tunngatillugu aalajangersakkat atuuttut naapertorlugit.

### **Sullissinikkut ingerlatsinermit unittoornerit**

- 2.5 Sullissinikkut ingerlatsinermit unittoortoqassappat, malittarisassallu aalajangersakkat malillugit eqqaavilerineq ingerlanneqarsinnaajunnaarpat, taava eqqaavilerinermik sullissisusup nammineq akilerlugu biilini eqqaavilerissutaasinnaasunik piniarnissani isumagissavaa, taamalu pisoqarnera Inoqarfimmut nalunaarutigineqartassalluni.
- 2.6 Piumasaqaateqarsinaanermut tunngassuteqartut, arlaatigut ajutoortoqarnera pissutigalugu piumasaqaateqartoqarluni, assersuutigalugu inuk imaluunniit illuuteqarnermut pigisat nalillit sulinermit tunngatillugu ajoquserneqarsimappata, eqqaavilerinermilu sullissisoq tamatumani akisussaasutut inissimasussaalluni, taava ajoqusikkat akilerneqarnissaannut eqqaavilerinermut sullissisoq kisimi akisussaasuutinneqassaaq. Ajoqusertoqaratarsinnaanera imaluunniit ajoqusiisoqaratarsinnaanera pissutigalugu eqqaavilerinermik sullissisoq piumaffigiineqarpoq, arlaatigut aningaasartuuteqaratarsinnaaneq matussutissaqartinneqarsinnaaqullugu taama pisoqaratarsinnaaneranut sillimmasiisarfikkut sillimmaseequllugu.

### **Aqutsinermit tunngatillugu suliassat.**

- 2.7 Eqqaavilerinermik sullissisusup pisussaaffigaa oqarasuaateqarnissani/oqarasuaat angallattagaqarnissani, arlaatigummi eqqaavimmi allanilu akueriuminaattunik pisoqassagaluarpat Inoqarfimmiit attavigineqarsinnaaniassammat.

### **Ingerlatsinerup nakkutigineqarnera.**



- 2.8 Kommune Qeqertalik sinnerlugu Inoqarfik Qasigiannuani ulluinnarni ingerlatsinermut nakkutilliisuvoq.

### **Immikkut piumasagaatit.**

- 2.9 Eqqaavilerinermik sullissisup, eqqaavissuarmi nunaminertamik ukiukkut suliffissaqartitsiniarnermut tunngatillugu atuisoqarsinnaanera akuersaarsinnaasariaqarpaa, assersuutigalugu qisuit allalluunniit atoqqinneqarsinnaasunngorlugit salitsinneqarnerinut nunaminertaq atortillugu.
- 2.10 Eqqaavilerinermik sullissisup Kommune Qeqertaliup eqqaavissuup nunataata ilaanik atuisinnaanera akuersinnaasariaqarpaa, nappartarsuit oliakoofinnik imallit allalluu seerisinnaasunik imallit inissinneqarfissaannut atugassamik, tassani aamma pineqarput eqqagassat navianaatillit containerimiisneqartut.
- 2.11 Eqqaavilerinermik sullissisup Kommune Qeqertaliup eqqaavissuup nutarterneqarnera aammalu aserfallatsaaliornertanut suleriaatsit allanngorsinnaaneri akuersinnaasariaqarpai.
- 2.12 Eqqagassat qulaani pineqartut isumannaatsumik inissinneqarnissaat siunertaralugu Kommune Qeqertaliup ungalusaliorsinnaanera eqqaavilerinermik sullissisup akuersinnaasariaqarpaa, tamakkuninngalu inissiineq pissaaq Namminersorlutik Oqartussat kaajallaasitaat nalunaarutaallu naapertorlugit.

### **Eqqaavilerinermik sullissisup aningaasanik pissarsitinneqartarnera**

- 2.13 Aningaasanik pissarsisarneq qaammammut kingumoortumik pisassaaq.
- 2.14 Isumaqatigiissutaasup matuma atuunnerani aningaasannorlugit tunniunneqartartussat nalimmassaasoqarneratigut allanngortinneqarsinnaanngillat, neqeoruteqarnermi tunngaviusut saniatigut immikkut ittunik allanik aningaasartuuteqartoqarsimangippat.

### **Isumaqatigiissutaasup atuuffia**

- 2.15 Isumaqatigiissutaasup atuuffia aallartissaaq 1. januar 2019-imiit 31. december 2021-imi naassalluni, ullut takkua ilanngullgit atuutissalluni.
- 2.16 Isumaqatigiissutaasumik sumiginnaasoqartillugu Kommune Qeqertaliup isumaqatigiissut ingerlaannaq atuutilersumik atorunnaarsissinnaavaa.

## **3 Isumaqatigiissutaasup tunngavia**

- 3.1 Eqqaavilerinermik sullissisup neqeroorutaa aalajangersimasumik akeqartitsinermik tunngaveqarluni tunniunneqassaaq.
- 3.2 Suliffeqarfiit pineqartut tassaapput, atuarfik, uttoqqaat illuat, oqaluffik, KNI, kommunip allaffia/sullivii/inissisimatitsisarfii, Namminersorlutik Oqartussat allaffeqarfii/sullivii/napparsimmavik, aalisakkanik tunisassiorfik kiisalu pisiniarfiit, eqqartuussivik



il.il.

- 3.3 Eqqagassalerinermi qaammammut aki aalajangersimasooq.
- 3.4 Eqqagassat annertuut eqqaaviliaannerinut qaammammut aki aalajangersimasooq.
- 3.5 Eqqaavissuup torersarneqartarneranut qaammammut aki aalajangersimasooq.
- 3.6 Eqqaaviit puussiartassaannik pisiortorneq taakkuninngalu inimi inissisimatitsineq kommunimit isumagineqassapput.
- 3.7 Atortut aserfallattaaliorneqarnerinut ingerlatsinermullu aningaasartuutit eqqaavilerinermik sullissisumit isumagineqassapput.
- 3.8 Isumaqatigiissut ukiuni 3-ni atuuttussanngorlugu isumaqatigiissutigineqassaaq, isumaqatigiissummulli tunngassuteqartut sumiginnarneqarsimappata Kommune Qeqertaliup isumaqatigiissut atorunnaarsissinnaavaa, tamannalu pissaaq piumasaqaatit naliginnaasut pillugit aalajangersagaq 95-imeersoq tunngavigalugu.
- 3.9 Inoqarfik kommuni sinnerlugu ulluinnarni nakkutilliineq ingerlatissavaa.
- 3.10 Inatsit eqqaavilerinermut tunngassuteqartunut atuuttoq, eqqaavilerinermik sullissisuusup atuutsittussaavaa, tassani pineqarlutik:
  - Sulisoqarnermut ministeriaqarfiup Kalaallit Nunaat pillugu nalunaarutaa nr. 395 24. juni. 1986-imeersoq, suliassap qanoq sularisariaqarneranut tunngassuteqartoq il.il.
  - Sulisoqarnermut ministeriaqarfiup Kalaallit Nunaat pillugu nalunaarutaa nr. 399 24. juni 1986-imeersoq, suliffiup qanoq ittuunissaanut il. il tunngassuteqartoq.
  - Kommune Qeqertaliup eqqagassalerinermut malittarisassaa atuuttoq.
  - Namminersornerullutik Oqartussat ataatsimoortumik piumasaqaataat, Kalaallit Nunaanni sanaartornermut sanaartugassanullu tunngassuteqartut pillugit suliqarnermut atortussallu tikisinneqartarnerannut tunngasoq, tamannalu pissalluni piumasaqaatit naliginnaasut pillugit aalajangersagaq 95-imeersoq tunngavigalugu.
  - Innersuussineq nr. 4.1-01-imi pineqartoq naapertorlugu - eqqagassat il.il. katersortarlugit eqqaavissualiaattarlugillu.
- 3.11 Eqqagassalerinermik sullissisup ukiup affakkaartumik suleqatigiinneq pillugu kommuni ataatsimeeqatigisassavaa.

## 4 Piffissaliussaq & Isumaqatigiissutip sivilissusaa

- 4.1 Neqeroortitsineq piffissaliussaq una naapertorlugu ingerlanneqassaaq:
  - 05. oktobari 2018 Neqeroortitsineq saqqummersinneqassaaq (kommunip nittartagaani).
  - 17. oktobari 2018 Kingusinnerpaamik ulloq paasissutissanik pissarsiniarfissaq.
  - 19. oktobari 2018 Kingusinnerpaamik ulloq neqeroorummik tunniussiffissaq, tak. qupperneq 2.



- 19. oktobari 2018 Suliarinnittussarsiuussinerup inenera pillugu neqerooruteqarsimasut nalunaarfigineqassapput.
  - 24. oktober 2018 Neqerooruteqarsimasut tunniussineq pillugu nalunaarfigineqassapput.
  - 01. januar 2019 Eqqaavilerinermut piffissaq 2019 aallartissaaq.
- 4.2 Isumaqatigiisummi aningaasat 10 procentii bankimut qularnaveequsiunneqassapput. Qularnaveequt ima nakkartinneqassaaq, isumaqatigiissut sumiginnarneqassagaluarpat kommunimit tiguneqarsinnaassallutik. Erseqqissaatigineqassaarli aatsaat taamaaliortoqarsinnaasq arlaleriarluni imaluunniit annertuumik sumiginnaasoqarsimappat.
- 4.3 Immikkoortunut neqerooruteqarnerit isumaqatigiissutip nalaani atuuttussaapput. Immikkullu ittumik, illuatungeriinnit isumaqatigiissut atsiorderani naatsorsuutigineqarsimanngitsumik, taamaallaat pisoqarsimatillugu allangortinneqarsinnaallutik.

## **5 Isumannaatsuunissaq anguniarlugu piunasaqaatit sillimmasiinerlu**

- 5.1 Eqqaavilerinermi sullissisoq qularnaveequsiissaaq, ilanngussami 1-mi ataatsimoortumik piunasaqaat, "Kalaallit Nunaanni sanaartornermut sanaartugassanullu tunngassuteqartut pillugit suliaqarnermut atortussallu tikisinneqartarnerannut tunngassuteqartoq naapertorlugu, tamannalu pissalluni piunasaqaatit naliginnaasut pillugit aalajangersagaq 95-imeersoq tunngavigalugu".
- 5.2 Eqqaavilerinermik sullissisoq pisussaavoq sulisitsisutut akisussaasuuneq tunngavigalugu sillimmasiissalluni aammalu sillimmasiinerit allat atuuttut, sulisut sillimmasiiffigineqar-nissaannut tunngassuteqartut eqqarsaatigalugit sillimasiissussaalluni.
- 5.3 Piunasaqaatit allat, eqqaavilerineq pissutigalugu arlaatigut ajutoortoqarneranut tunngas-sutillit, soorlu sulisup ajutoornera imaluunniit illuuteqarnikkut pigisamut tunngassu-teqartutigut ajutoornerit eqqaavilerinermik sullissisup nammineerluni akisussaaffigissavai.
- 5.4 Sulisut akiuussutissamik pisariaqartinneqartunik kapitinnissaannut eqqaavilerinermik sullissisoq pisussaavoq tamatuminnga isumaginnitsissalluni.





## Neqeroorutip tunniunneqarnera – Qasigiannguani eqqaavilerineq

Eqqaavilerinermik sullisserusuttup matumuuna atsiarluni tunniuppaa, Qasigiannguani eqqaavilerinermut neqeroorut, *tunniussinerlu pivoq eqqaavilerinermut neqerooruteqartarnermi immersugassaq oktober 2018-imeersoq naapertorlugu.*

01. oktober 2018-imi Qasigiannguani eqqaaviit imaarneqartarnissaannut nalunaarsimasut ukuupput:

- Eqqaaviit imaartagassat 0-it qaammaammut ataasiarluni
- Eqqaaviit imaartagassat 122-it sapaatip akunneranut ataasiarluni
- Eqqaaviit imaartagassat 384-it sapaatip akunneranut marloriarluni imaartagassat
- Eqqaaviit imaartagassat 0-it sapaatip akunneranut pingasoriarluni imaartagassat
- Eqqaaviit imaartagassat 0-it sapaatip akunneranut sisamariarluni imaartagassat
- Eqqaaviit imaartagassat 0-it sapaatip akunneranut tallimariarluni imaartagassat

Piomasagaatit pineqartut tunngavigalugit, eqqaavilerinermik sullissinissaq siunnerfigalugu ataani atsiortunga sullissinissamut tunngavilersuutigineqartut taaneqareersut tunngavigalugit neqerooruteqarpunga.

### Neqeroorutip annertussusia, isumaqatigiissut ukiumut akigitinneqartussat: Eqqaavilerineq.

Post	Suliassap suunera	Suliassamut ataatsimut akigititaq	Nalinga
1	Eqqaavilerineq	01.01.2019-31.12.2019 = 01.01.2020-31.12.2020 = 01.01.2021-31.12.2021 =	
2	Eqqagassat annertuut	01.01.2019-31.12.2019 = 01.01.2020-31.12.2020 = 01.01.2021-31.12.2021 =	
3	Eqqaavissuup torersarneqartarnera	01.01.2019-31.12.2019 = 01.01.2020-31.12.2020 = 01.01.2021-31.12.2021 =	

Ulloq: \_\_\_\_\_

(Eqqaavilerinermik sullissisup naqitsissutaa atsiorneralu)